

К ОПУБЛИКОВАНИЮ

КОМИ РЕСПУБЛИКАСА ОЛАНПОДУВ ЁРД

Коми Республикалөн Каналан Сöветса депутатяс Е.В. Дьячковалөн, О.А. Михайловлөн да Г.Ю. Нагаевалөн запрос серти «Коми Республикаса Юралысь, Коми Республикаса Вєськөдлан котыр да Коми Республикаса олөмө пöртысь власьт системаын органьяс йылысь» 2013 во öшым тöлысь 26 лунся 140-РЗ №-а Коми Республикаса Оланпаслөн 18 статьяса 4 юкөнлысь оланподувлы лöсьлөмсö прöверитөм йылысь делö серти Коми Республикаса Оланподув Ёрдлөн шуөм

Сыктывкар

2020 вося лөддза-номья тöлысь 22 лун

Коми Республикаса Оланподув Ёрд, кöни вєськөдлысьнас вöлі В.В. Кретов, ёрдысьяснас Д.Н. Басманов, Н.В. Боковикова,

кöни участвуйтисны А.В. Никулин – Коми Республикалөн Каналан Сöветса депутатяс Е.В. Дьячковаöс, О.А. Михайловöс да Г.Ю. Нагаеваöс петкөдлысь, Коми Республикаса Каналан Сöветöс петкөдлысь Е.В. Глухова – Коми Республикаса Каналан Сöветлөн Аппаратысь Инöда вєськөдланінын оланподув оланпастэчас да канму лöсьöдан юкөнса начальник, Коми Республикаса Юралысьлысь могьяс недыр кадколастö збыльмöдысьöс петкөдлысь И.Н. Кипрушева – Коми Республикаса Юралысьлөн Канму-инöда вєськөдланінын оланподув да социальной оланпастэчас юкөнса начальникöс вежысь,

Коми Республикаса Оланподувлөн 96 статьяса 2 юкөнö, “Коми Республикаса Оланподув Ёрд йылысь” Коми Республикаса Оланпасын 3 статьялөн 1 юкөнса 1 пунктö, 78, 79 да 80 статьясö кутчысьöмөн,

видлаліс ёрдлөн восьса заседание дырйи Коми Республикалөн Каналан Сöветса депутатяс Екатерина Валериановна Дьячковалөн, Олег

Алексеевич Михайловлөн да Галина Юрьевна Нагаевалөн запрос серти «Коми Республикаса Юралысь, Коми Республикаса Веськөдлан котыр да Коми Республикаса олөмө пörтысь власьт системаын органъяс йылысь» 2013 во öшым тöлысь 26 лунся 140-РЗ №-а Коми Республикаса Оланпаслөн 18 статьяса 4 юкөнлысь оланподувлы лöсьлöмсö прöверитöм йылысь делö.

Тайö делöсö видлалан помкаён лоис Коми Республикалөн Каналан Сöветса депутатъяс Е.В. Дьячковалөн, О.А. Михайловлөн да Г.Ю. Нагаевалөн запрос, а видлалан подулөн – эрдöдöм гөгöрвотöмлун сы серти, лöсьлö-ö Коми Республикаса Оланподувлы вылын индöм Оланпас нормаыс.

Ёрдысь В.В. Кретовлысь докладсö, шыödчысьясöс петкөдлысьлысь, Коми Республикаса Каналан Сöветöс петкөдлысьлысь да Коми Республикаса Юралысьлысь могъяс недыр кадколастö збыльмöдысьöс петкөдлысьлысь висьтасьöмсö кывзöм бöрын, сетöм документъяс да мукöд материал туялöм бöрын Коми Республикаса Оланподув Ёрд

ш у и с:

«Коми Республикаса Юралысь, Коми Республикаса Веськөдлан котыр да Коми Республикаса олөмө пörтысь власьт системаын органъяс йылысь» 2013 во öшым тöлысь 26 лунся 140-РЗ №-а Коми Республикаса Оланпаслөн 18 статьяса 4 юкөн серти Коми Республикаса Юралысь вермö юрнуöдны Коми Республикаса Веськөдлан котырөн, та дырйи Коми Республикаса Юралысь нуödö Коми Республикаса Веськөдлан котырлысь чукöртчылöмъяс.

Коми Республикалөн Каналан Сöветса депутатъяс Е.В. Дьячковалөн, О.А. Михайловлөн да Г.Ю. Нагаевалөн запросын пуктöма индöм нормаыслөн оланподувлы лöсьвотöмлун йылысь юалöм, сы вöсна мый Коми Республикаса Оланподувлөн 84, 88, 89, 89 (1) да 90 статьясылысь корöмъяс торкалöмөн тайö Оланпаслөн 18 статьяса 4 юкөнөн абу урчитöма канму власьт органъяс системаын Коми Республикаса Веськөдлан котырөн Юрнуöдысьлысь быть колана чин, кодi збыльмöдö Юралысьлысь могъяс сэк, кор Коми

Республикаса Юралысь оз вермы збыльмөдны ассыс могъяссö. Такöд йитöдын шыöдчысыяс чайтöны, мый инöд боксянь татшöм ладмöдöмыс оз могмöд Коми Республикаын канмуөн веськöдлöмлысь колана да кык тшупöда зумыдлунсö, торкö Коми Республикаса Веськöдлан котыр артмöдан да сылысь уджалан оланподув принципьяссö да кутö Веськöдлан котырлысь удж дугöдöмысь сэк, кор Юралысьлысь уджмогъяс кадысь водз дугöдöма, либö Веськöдлан котырөн Юрнуöдысьöс, а такöд йитöдын и Веськöдлан котырö пырысьясöс уджысь мездöмысь.

Сидз, тайö делö серти видлаланторйөн лоö «Коми Республикаса Юралысь, Коми Республикаса Веськöдлан котыр да Коми Республикаса олöмö пöртысь власьт системаын органьяс йылысь» Коми Республикаса Оланпаслөн 18 статьяса 4 юкөн, а стöчджыка кö, тайö оланпас инöдлысь Коми Республикаса Оланподувлы лöсялöмсö прöверитöм, кутшöмөн урчитöма, мый Коми Республика ачыс лöсьöдö республикаса канму власьт органьяслысь системасö оланподув тэчаслөн мыджöдьяс серти, Россия Федерацияын бöрйöм да олöмö пöртысь канму власьт органьяс котыртан öтувья принципьяс серти да Коми Республикаса оланпастэчас серти (66 статья), мый урчитö Коми Республикаса олöмö пöртысь власьт органьяслысь тэчассö, найöс лöсьöдан правилöяссö, Коми Республикаса Юралысьлысь да Коми Республикаса Веськöдлан котырлысь уджмогъяссö, тайö уджмогъяслысь кадколастьяссö, а сиджö Юралысьлысь да Веськöдлан котырлысь удж дугöдан пöрадоксö да бöртасьяссö (80, 84, 88, 89, 89 (1) да 90 статьяяс).

Сидз, Россия Федерацияса Оланподувлөн 72 статьяса 1 юкөнлөн «н» пункт серти да сылы лöсялана Коми Республикаса Оланподувлөн 64 статьяса 1 юкөнлөн «н» пункт серти канму власьт органьяслысь система котыртан öтувья принципьяс лöсьöдöмыс пырö Россия Федерациялөн да Коми Республикалөн öтувья веськöдлöмö, мый Россия Федерацияса Оланподувлөн 77 статьяса положениеяс, “Россия Федерацияса субъектьяслөн оланпас пыртысь (бöрйöм) да олöмö пöртысь канму власьт органьяс котыртан öтувья

принципьяс йылысь” 1999 во йирым тöлысь 6 лунся 184-ФЗ №-а Федеральнöй оланпаслön водзкыв да 1 да 2 статьяс, Коми Республикаса Оланподувлön 66 статья серти петкöдлö, мый Коми Республика ачыс лöсьöдö ассьыс олöмö пöртысь канму власьт органьяслысь системасö Россия Федерацияса оланподув тэчаслön мыджöдьяс, тайö органьяс котыртан öтувья принципьяс да Россия Федерацияын канму власьт системалön öтувьялун принцип серти.

Вылынджык вайöдöм да Россия Федерацияса Оланподув, Коми Республикаса Оланподув вылö мыджсьöм инöда предписаниеяссö водзö сöвмöдiсны да стöчмöдiсны “Россия Федерацияса субъектьяслön оланпас пыртысь (бöрйöм) да олöмö пöртысь канму власьт органьяс котыртан öтувья принципьяс йылысь” индöм Федеральнöй оланпаслön да «Коми Республикаса Юралысь, Коми Республикаса Веськöдлан котыр да Коми Республикаса олöмö пöртысь власьт системаын органьяс йылысь” Коми Республикаса Оланпаслön нормаясын.

Торйöн нин, 1999 во йирым тöлысь 6 лунся 184-ФЗ №-а Федеральнöй оланпаслön 17, 18 да 20 статьясöн урчитöма, мый Россия Федерацияса субъектын индысьö олöмö пöртысь власьт органьяслön система, кодön юрнуöдö Россия Федерацияса субъектлön медвылыс олöмö пöртысь канму власьт орган.

Та дырйи олöмö пöртысь канму власьт органьяслысь тэчассö урчитö Россия Федерацияса субъектлön медвылыс чина морт (Россия Федерацияса субъектлön медвылыс олöмö пöртысь канму власьт органön веськöдлысь) Россия Федерацияса субъектлön оланподув (подувпуктас) серти, да буретш тайö мортис чинö пырöм да йöзлы, Россия Федерацияса Оланподувлы, Россия Федерацияса субъектлön оланподувлы (подувпуктаслы) кыпыд кывсетöм бöрын субъектлön оланпастэчасö кутчысьöмön лöсьöдö медвылыс олöмö пöртысь канму власьт орган да примитö сылысь удж дугöдöм йылысь помшуöм.

Тадзикон, Россия Федерацияса субъектлон медвылыс чина морт отпырйо лоо и субъектлон медвылыс олөмө пörтысь канму власьт органон веськөдлысьон да сылон эм вöля, мый серти вермө мукөд йöзöс босьттөг лоны медвылыс олөмө пörтысь канму власьт органса юрнуодысьон да веськыда веськөдлыны сылон уджон.

Видлавны кө Коми Республикаса Юралысьлон уджмогъяс, Коми Республикаса Веськөдлан котырлон удж да сэтчö пырысьяс йылысь юалөмъяссö, колö пасйыны, мый «Коми Республикаса Юралысь, Коми Республикаса Веськөдлан котыр да Коми Республикаса олөмө пörтысь власьт системаын органъяс йылысь» Коми Республикаса Оланпаслөн 18 статьяса 4 юкөнон урчитом Коми Республикаса Юралысьлон инөд веськөдлыны Коми Республикаса Веськөдлан котырөн да нуөдны сылысь чукöртчылөмъяссö лöсялö вылынджык вайөдөм да ыджыдджык юридическöй вына федеральнöй оланпастэчас положениеяслы да оз торкав Коми Республикаса Оланподув, сы вöсна мый Оланподувлөн 80, 84, 89 да 89 (1) статьяяс серти Коми Республикаса Юралысь кыз медвылыс чина морт лоö сыон жö лöсьөдөм медвылыс олөмө пörтысь органон (Коми Республикаса Веськөдлан котырөн) веськөдлысьон, сетö Коми Республикаса Каналан Сöветö тайö органлон удж йылысь быдвося отчет да любöй кадö вермө примитны сылысь уджмогъяс дугөдөм йылысь помшуөм.

«Коми Республикаса Юралысь, Коми Республикаса Веськөдлан котыр да Коми Республикаса олөмө пörтысь власьт системаын органъяс йылысь» Коми Республикаса Оланпаслөн 88, 89 да 90 статьясөн урчитом Коми Республикаса Веськөдлан котырөн Юрнуодысь чин оз мун паныд Юралысьлон вылынджык индөм инөд збыльмөдөмлы да лоö оланподув боксянь тöдчанаон да быть колана альтернативнöй вариантон сэк, кор Коми Республикаса медвылыс чина морт сийö либö мөд помкаяс вöсна оз босьт ас вылас мог веськөдлыны Веськөдлан котырөн.

Сэк, кор Коми Республикаса Юралысь кутшөмкө кадколастö оз вермы пörтны олөмө уджмогъяссö кыз медвылыс чина морт да Коми Республикаса

Веськӧдлан котырӧн веськӧдлысь, тайӧ уджмогъяссӧ вермӧ пӧртны олӧмӧ
Веськӧдлан котырӧн Юрнуӧдысьӧс Медводдза вежысь либӧ мукӧд вежысьяс
пиысь ӧти, мый тыдовтчӧ Коми Республикаса Оланподулысь 88 статья да
«Коми Республикаса Юралысь, Коми Республикаса Веськӧдлан котыр да
Коми Республикаса олӧмӧ пӧртысь власьт системаын органъяс йылысь» Коми
Республикаса Оланпаслысь 12 статья системнӧя видлалӧм бӧрын.

Коми Республикаса Юралысьлысь удж кадысь водз дугӧдӧм да Россия
Федерацияса Президентлӧн Индӧд серти Юралысьлысь могъяс недыр
кадколастӧ збыльмӧдысьӧн индӧм сӧдзжӧ оз ло оланпас серти подулӧн,
медым вежны Коми Республикаса олӧмӧ пӧртысь власьт органъяслысь
сӧвмӧм тэчассӧ да дугӧдны Веськӧдлан котырлысь уджсӧ, сы вӧсна мый
Коми Республикаса Оланподувлӧн 89 (1) статья, «Коми Республикаса
Юралысь, Коми Республикаса Веськӧдлан котыр да Коми Республикаса
олӧмӧ пӧртысь власьт системаын органъяс йылысь» Коми Республикаса
Оланпаслӧн 19 да 20 статьяяс серти Веськӧдлан котырӧн уджысь эновтчӧм да
сы бӧрын выль медвылыс олӧмӧ пӧртысь власьт орган лӧсьӧдӧм веськыда
йтчӧмаӧсь Юралысьӧс выль кадколаст вылӧ бӧрйӧмӧн да йӧзлы, Россия
Федерацияса Оланподувлы, Коми Республикаса Оланподувлы
(подувпуктаслы) кыпыд кывсетӧм бӧрын сыӧн чинӧ пырӧмӧн.

Та вӧсна колӧ шуны, мый «Коми Республикаса Юралысь, Коми
Республикаса Веськӧдлан котыр да Коми Республикаса олӧмӧ пӧртысь власьт
системаын органъяс йылысь» Коми Республикаса Оланпаслӧн 18 статьяса 4
юкӧн абу паныд Коми Республикаса Оланподувлы, сылӧн 66, 84, 88, 89, 89
(1) да 90 статьяслы, сы вӧсна мый аслас оланподув-инӧда вежӧртас серти
инӧд боксянь ладмӧдан системаын тайӧ нормаыс тырвыйӧ лӧсялӧ Коми
Республикаса олӧмӧ пӧртысь власьт органъяс артмӧдан, налӧн уджалан да
найӧс да канму чинын уджалысь чина йӧзӧс уджысь дугӧдан ӧтувья
принципьяслы.

Гижӧм вылӧ подуласьӧмӧн, Коми Республикаса Оланподувлӧн 96
статьяса 2 юкӧнӧ, “Коми Республикаса Оланподув Ёрд йылысь” Коми

Республикаса Оланпаслӧн 66 статьяса 1 юкӧнӧ, 68 статьяса 1, 2, 3 да 4 юкӧнъясӧ, 69, 80 да 81 статьясӧ кутчысьӧмӧн, Коми Республикаса Оланподув Ёрд

ш у и с:

1. Лыддыны «Коми Республикаса Юралысь, Коми Республикаса Велькӧдлан котыр да Коми Республикаса олӧмӧ пӧртысь власьт системаын органъяс йылысь» 2013 во ӧшым тӧлысь 26 лунся 140-РЗ №-а Коми Республикаса Оланпаслысь 18 статьяса 4 юкӧн Коми Республикаса Оланподувлы, сылӧн 66, 84, 88, 89, 89 (1) да 90 статьяслы лӧсяланаӧн, сы вӧсна мый аслас оланподув-инӧда вежӧртас серти инӧд боксянь ладмӧдан системаын тайӧ нормаыс лӧсялӧ Коми Республикаса олӧмӧ пӧртысь власьт органъяс артмӧдан, налӧн уджалан да найӧс да канму чинын уджалысь чина йӧзӧс уджысь мездан ӧтувья принципъяслы.

2. “Коми Республикаса Оланподув Ёрд йылысь” Коми Республикаса Оланпаслӧн 73 статья серти тайӧ Шуӧмыс лоӧ бӧрьяӧн, сийӧс оз позь обжалуйтны, дзик пыр вынсялӧ сийӧс йӧзӧдӧм бӧрын, уджалӧ веськыда да сийӧс оз эскӧдны мукӧд органӧн да чина йӧзӧн.

3. “Коми Республикаса Оланподув Ёрд йылысь” Коми Республикаса Оланпаслӧн 72 статья серти тайӧ Шуӧмсӧ дзик пыр колӧ официальной публикуйтны “Коми Республикаса канму власьт органъяслӧн индӧд-тшӧктӧмъяс” журналын да йӧзӧдны “Ӧтуввез” юӧртан да коммуникация везыын Коми Республикалӧн официальной сайтын “Коми Республикаса канму власьт органъясӧн примитӧм инӧда актъяс, мукӧд официальной юӧр лыддьӧг” сетевой изданиеын (<http://law.rkomi.ru>).

Коми Республикаса Оланподув Ёрд